

泉州府志卷之五十一

循績

國朝循績三

潘晉齡

林洪烈

劉作梅

陳元焱

江之煒

黃天簡

吳益琬

劉琦齡

黃騰冠

潘維颺

黃志弼

施奕簪

泉州府志

卷之五十一

國朝循績

一

李一鳴

陳元煥

陳元燠

陳正朔

蔡繼祖

蔡宸升

陳會津

李瓊

紀宗汪

黃為漢

何秉忠

楊宗澤

林逢春

顏儀鳳

潘晉晟

李鍾倬

陳士芝

○潘晉齡字式九號松年南安人康熙庚午第六名舉人授雲南令時邑正苦旱晉齡至卽宿齋行禱龍見壇上沛然大雨時和年豐先是雲令有朱姓者民謠曰粟貴于珠繼又有金姓者民謠曰粟貴于金至是謠曰惠我民感乎天厥姓水米田永豐年上官聞而異之邑舊有土官鷙悍難御因循則生玩剛執則激變晉齡先範以禮繼繩以法土官悅服建立義學躬自考課諸生有倚衿滋事者特嚴課條仍加訓厲由是各重品行均徭役平獄訟務期無愧於心在任兩年循聲懋著上官正擬

泉州府志

卷之五十一

國朝循績

二

登薦剡念雙親垂白陳情七次始准具題歸養至家舞綵庭闈二十餘年積學勵行至老不倦族黨慕之年六十五卒於家所著有周易經義百餘篇座師崑山徐公炯爲之序

○林洪烈字孫肯晉江人象祖子康熙辛未進士除沔縣知縣下車值歲稔民多逃逋就食川中請開倉賑恤流亡悉復沔文廟傾圮廊廡不備洪烈脩建一新依祀典設先賢先儒諸牌位秩滿行取擢吏部文選司主事首議疏通銓法四事白冢宰奏行舉人單月兼選是所

條陳之一也陞稽勲司員外左遷大理寺評事陞寺副
歷寺正都下有巨棍積蠹年久事發下法司會鞫傾貲
求活洪烈持議不移卒置於法車夫爭載聚毆至斃案
連數十人研訊得實分別抵罪餘立釋之聲稱大著每
遇疑獄雖他曹事多命往鞫遷鴻臚少卿歷太常寺少
卿旋典湖廣試事所取皆知名士使還卒於官子爲墉
爲垣皆舉人

雍正舊稿

○劉作梅字和少惠安人康熙庚午辛未聯第進士授山
陽令革火耗設滾單令民自封投櫃胥役無擾值河決

泉州府志

卷之五十一 國朝循績

三

開倉賑貸設廠施粥招集流亡殫心撫字於寒士尤加
卹邑有派夫歲夫二累派夫者明季河溢暫派牙儈丁
夫應工竟以其名登籍子孫歷數世不能免作梅爲具
文請豁歲夫者歲治河權宜召用名爲日夫後竟成例
役至二千餘人糧盡歸取河員卽報逃曠催檄如雨作
梅爲查河南成例動用歲剩裁扣銀兩募夫應用永除
夙累聽訟虛衷研鞫多所平反有假官被首淹繫經七
任不決訊立輸服開釋株連僚幕四員得復職有監生
家僕溺河死僕親捏控立爲湔雪置誣者於法俗輕生

刁訟因小忿投繯溺水動以命控株連無筭作梅據報立驗當場劈誣結案自是圖賴者斂跡上官廉其能凡有疑獄多委焉邑多盜依附權蠹盤據莫能詰有橫劫者借河工轅役名色盛裝驟馬罔所避忌訪實擒治之起贓論罪權奸股栗黨附奔散四境獲安尤留心學校每月課士親爲甲乙立義學置義田文教大興考校絕請託丙子分校識拔盡佳士以勞卒於官士民斂錢治喪哭送數百里作梅居家孝友賦性剛方學宗紫陽文軌先正於桑梓利病不憚向有司力陳嘗值脩城丈量猾胥貪利作弊賄囑使閉口峻却之而力持其議惠人陰受其德焉祀鄉賢

○陳元焱字淡士號華山晉江人康熙丙子與從兄元焯同登鄉薦授廣宗令才識通敏爲政精明濟以仁恕甫下車聞巨棍姜姓久結猾胥黨惡害民立置諸法豪右聞風斂跡山左客商逆旅被盜誣控良民株累甚多經兩任不能決元焱密訪真盜一鞫卽伏無辜得釋上官知其善折獄凡疑難大案咸檄會鞫稱明允每歲邑宰迎春樂戶必躋公堂奏樂稱觥惡其有傷風化亟爲落

籍屏除之邑舊有陋規吏緣爲奸一切罷却不以累民俗健訟每假命案橫索且供應胥役糜費不貲每接牘單騎裹糧赴驗詳慎研審坐其虛誣無所容奸衙齋有樓爲妖狐窟宅人莫敢登爲文檄之妖遂絕時當麥熟鄰邑蝗蝻蔽野獨不入境輿人頌曰狐遁跡蝗絕蹤治行感物有陳公前令以久病卒官諸務隳闕元焱次第振飭脩文廟祠鄉賢充膏火繕城垣葺倉庫皆捐己俸不費民貲具有成效邑以大治及官部曹聞父川東副使俞侯引疾告休急歸終養居家方正自持不謁有

泉州府志

卷之五十一

國朝循績

五

司父沒廬墓不仕年六十四卒子熙塙孫國豪並見科

目錄節林青圃撰
叅家傳

○江之煒

字原閩
號葵峯

晉江人康熙丙子舉人授南海令案無

留牘獄多平允報最需次部曹簡授元和令二年調嘉

定兩縣積欠七十餘萬寓撫字于催科不事朴責逋賦立清擢太倉直隸州政平人和戊午災捐俸賑粥親自巡視並飭屬實力遵行無貽吏胥中飽民獲安全所轄寶山縣私鹽七十餘案株連無已犯多斃獄爲申上官請就已獲犯審理全活數百餘命州俗停柩郭外朽骨

堆積爲買地施榘瘞埋之其他興利除害寬猛交濟視爲宰時有加以年老致仕歸年八十有九子樹第文習俱舉人

○黃天簡字惟叔晉江人中通子康熙丙子舉人授蒙城知縣蒙爲山陝孔道渦水所經百貨繹絡每漕糧起運悉召商船分載埠役多藉是以困行人天簡至廉其弊捐俸買數舟爲分載之用商旅通行民無病滯性復勤敏宰蒙十載鄰邑勘丈監賑之役多奉檄經理以病乞休未及發卒于官

泉州府志

卷之五十一

國朝循績

六

○吳益琬字鼎昂號溫亨安溪人十歲能文康熙丙子舉人任蒲圻令蒲俗多好爭墳山單騎躡勘曲直立剖鄰邑嘉魚有爭墳者久未決奉委履其地得清讞遂定後嘉魚水災又委勘焉例報九分以上乃得蠲正供主其事者不以實報益琬據實詳免乙未奉委沔陽州發賑計口親給杜假冒中飽之弊四閱月乃竣事吏役按口給食不以累民州人立石頌德秋旱苗將稿素服步禱甘霖立沛蒲與咸寧交界有汀泗橋雨至橋東蒲界而止民異之三年告歸年七十卒

安溪縣志

○劉琦齡字稚玉晉江人康熙丙子科舉人少好施與任澄海縣革免漁課羨餘詳寬鹽堀崩墊脩葺學宮請增科歲弟子員額丁酉海颶決堤壞民居民多露宿琦齡戶給銀爲治屋資捐俸脩堤邑人德之辛丑臺灣蠢動有避難民三百艘皆廣東人直抵澄邑放雞山營弁懼以爲奸將擊之琦齡詣驗爲脩柁篷使各歸其邑時有同來二艘入他邑皆被刑禁聞琦齡所措置乃釋之先是澄邑大饑而上憲徑以年豐奏聞琦齡力爭平糶設男女廠煮粥以濟飢疫死者殮而葬之上憲憾焉遂以

泉州府志

卷之五十一

國朝循績

七

糶穀逾數去其官邑人遮道跪送行三宿而後出境著勸世婆心一卷內有戒停櫬及戒溺女諸篇

○黃騰冠字茂伯號學山晉江人康熙己卯第六名舉人授沐陽令引

見試詩文

聖祖溫旨褒獎詩字俱佳

賜克食朱子全書周易折衷爲從來未有之恩遇既抵任絕苞苴謝請託催科折獄有蒲鞭示辱之風歲不登捐俸煮粥全活無數奉文賑卹他邑民領米爭先多擠仆

騰冠運米就民設牌點名如院試法上官檄他郡爲式
造文峯橋新築河堤種種利民 文廟傾圮文風不振
歲試不及三百人捐俸重脩舊例輸糧里下輪催值者
荒一年業下令讀書者赴面試作小講卽准另報自是
各延師力學科試至千餘人校士鑑衡不爽通判李芳
蕙署府篆校試不明安東士子赴漕院呈請願就冠試
卽檄委代考前列十八人皆入泮山陽民李大樞與蔣
公環善公環索貸無厭一日到樞家索不應出七首自
刎樞行賄誣其子蔣宗瑀死後裝傷擬戕祖父屍罪名

泉州府志

卷之五十一

國朝循績

八

闔郡號冤檄騰冠往訊立剖釋宗瑀懲大樞郡民焚香
禮送署清河贛榆篆興利除害不以代庖稍懈贛榆去
郡往返八百里士子府試泥濘維艱請俟院臨有期方
行試省兩番跋涉永爲例紳士懷恩祀名宦清河爲漕
運所經冬召民琢冰死無數查舊例應河兵開鑿詳請
復舊民勒石紀之康熙丁酉雍正癸卯分校文武闈得
士皆名雋癸卯出闈後染病不旬日卒於江寧行署年
五十六身後歸櫬無資三邑民感泣爭賻焉

節宮詹張
鵬翀撰誌

參雍正
舊稿正

○潘維颺字式士號瞻鶴南安人康熙己卯舉人榜姓何授章邱令履任七日值西北用兵軍需孔亟慨然曰是可費民間一錢耶臣子當盡職分那移賠墊縱獨得禍不避也邑賦額幾十萬吏上總簿但有各庄總額而無分戶維颺曰漁利病民莫此爲甚卽出示停徵俟列各戶額然後輸納蠹吏久爲奸藪不肯奉行告以既往不咎終無如何卽用重典誓以不出分戶舊冊卽送印辭官吏勢窮乃出分戶冊遂出示按戶頒執照以便輸納民感且泣曰令我棄業賣子皆因沒分戶作渾征額取

之計耳有奉異教者曰囊天教主以其術淫婦女取民財年且七十矣前官莫之問維颺直誅之以解羣惑設義學五訂期躬自課督革常例嚴盜賊懲兇惡凡興利除害不遺餘力值邑有旅郎山大會羣獻德政歌萬名衣爲國爲民匾額堅却之不能止嘗以公事至德州所過鄰邑百姓聚觀或袒裼或攜衣在手怪問之曰身體受之父母見父母故袒裼使君愛民如子鄰邑父母卽父母也維颺愧容謝之未幾卒於官年五十九邑人如喪考妣停櫬僧寺哭奠者絡繹不絕宦橐蕭然爭段櫃

賻之方得歸泣送者越隣境未已各勒分戶石碑於本庄設主尸祝焉

○黃志弼字彥伯號澹園晉江人康熙己卯舉人授東明令興利除害招撫流亡邑水旱爲災 恩膏疊沛不假手胥吏周行葭屋親自散給民沾實惠捐脩 文廟振興學校設講院延名師以課士舊有積案未清志弼履任不浹旬皆判決遠近稱神上官獎藉邑有老河南接河南東連山左三汛一發民苦波臣志弼相度機宜堤掃下榷風雨必親自此無泛溢之虞兩攝縣符再署州

泉州府志

卷之五十一

國朝循績

十

篆均有實政雍正四年水災奉文借穀檄到卽開倉發貸旋以未經奉

旨解任直督李紱保題引

見開復隨以年老乞休歸里志弼居家孝弟建祖祠置祀田脩譜牒朞功親五世同居無閒言族中冠婚喪祭引爲己任推惠戚屬憐寡恤貧與蔡世遠陳萬策共輯朱子家訓戒勿用浮屠旣歸休日惟課督子弟不干外事年七十卒弟志亮由監生考職州同保舉吏部考功司學習授泗水知縣子錫慈監生考職縣丞河工効力任

阿城慶豐二閘閘官

○施奕簪字佩其號錦谿晉江人餼安溪庠康熙己卯舉人授內黃知縣邑有黃沙灘爲黃河故道積兩岸崩浸沒民舍奕簪權宜開倉賑濟捐俸疏河築岸不動公帑不費民貲閭里安居士民勒石紀焉輓運陝西芻糧叙功加級紀錄署開州知州廣大漳河同知丁艱起補永濟令措辦軍需民無驚擾邑與陝朝邑縣連界軍民互爭灘地履勘處置得宜兩地悅服丁艱起補登封令遇早步禱數百里甘霖立沛邑舊有嵩陽書院

泉州府志

卷之五十一

國朝循績

十一

捐資脩葺延師教士復置田以爲脩脯膏火資文風振起以年老告休歸年八十三卒

節家傳

○李一鳴字世翀號根園晉江人叔元曾孫康熙己卯與父璜同榜舉人一鳴由同安學榜姓連授浙江義烏令至卽革除火耗及花紅陋規署中水火夫庖人必僱募外府爲政愷悌廉明剛柔並濟用意周浹聽訟偶有未洽必再三研訊務得實情不執成見邑有虎患牒告城隍虎悉遁去己亥亢旱步禱匝月告城隍文有曰刑罰求當政事惟勤詞訟速結聽斷持平虛衷應物實心愛

民苞苴痛絕請託弗行性甘淡泊茹檗飲水如敢或渝
速殺其身倘涉欺罔殃及子孫伏求矜憫轉籲天庭暫
收赤日膏雨頻傾如鳴愆積莫挽天心惟求殄滅保此
蒼生讀者爲之泣下脩蜀水塘溉田千畝恤飢黎鳩鵠
亟繪圖請發粟散賑復于城鄉設廠二十九處煮粥賑
濟分別男女老稚寓訓俗于全生之中全活計億萬命
巡撫高安朱軾稱爲兩浙循良第一採其條約頒行通
省行登薦剡以勞勩邁疾卒于宦宦橐蕭然士民醵金
制麻奔送百餘里祀義烏名宦載邑志

泉州府志

卷之五十一

國朝循績

十二

○陳元煥字章士號訥齋晉江人洪謐孫俞侯子以明經
授行人司正遷刑部浙江司員外清慎任職凡有讞疑
上官皆報可陞兵部職方郎中饋遺悉屏戎政爲清臨
事謹慎部堂信重出守威寧當黔極邊苗性頑悍屢相
仇殺訟訴繁積元煥平恕剖決不徵賄徇私苗帖然蜀
中土司虐其下羣逃至境土官聞於臺委監司會鞫密
行重賂求遣衆還元煥力拒之謂歸受荼毒恐激其變
不如便宜安置之監司不能奪郡士鮮知學歷元明數
百年無登賢書者公暇集諸生課文親定甲乙文風始

振康熙癸巳 恩科所首拔士嚴姓者遂褻然鄉舉郡人詫爲僅事以疾卒于官憲僚賻歸其櫬民哭奠者數十里不絕元煥積學能文仁恕醇實母素患痰疾喘急每疾作日夜撫祝數十年孝事維謹時李文貞光地當國重其學行聞其沒尤惜之爲作墓志嘉其三世儒風云著有椰亭文稿弟元焱另有傳子垣雍正壬子舉人○陳元燠字哲士號敷和晉江人洪謐孫俞侯子由監生捐州同授貴縣令甫莅任訊前官成案得兇犯諱命詭盜實情上官嫌其翻案多事撫軍蕭永藻獨韙之遂題

決復究大盜梟戮七名除巨匪捕餘黨民稱神明秩滿遷寧州牧值歲歉奉委赴鄰邑及部內查荒覩鳩鵠流徙甫申請卽開倉以濟上官嘉其有古循吏風值策妄阿拉布坦跳梁邊徼用兵就調獨先運糧出塞直抵巴里坤大營適外艱訃至泣血乞歸終制督憲鄂海以賢員特疏請留任守制羈塞外辦軍需凡六載回州精勤益倍 大兵再舉以久練復調軍前運糧脩道築城當事者皆爭爲己功調涇州牧勤勞稱最陞保寧府新設同知分駐南部稽查鹽茶井井有條上官器之以老疾乞

休歸家八載鍵戶不干外事課督子孫年七十四卒子世琦岷州牧有懷徽州通判

○陳正朔字寅長號牧亭晉江人康熙壬午舉人授龍巖教諭邑在萬山中三藩之變人不知兵室家安堵獨學宮傾圮莫顧朔請邑令重新清復學地學租闢學門課督精勤士風丕振巖人雕像祀焉陞漳州教授奉檄分脩福建通志事竣回任清查祭器增置豆籩鼎爵几筵一新在任九載以卓異擢國子監助教國學贊禮以隸尸之正朔愕然曰國學天下觀瞻胥吏賤役可履斯地

泉州府志

卷之五十一

國朝循績

十四

乎亟白祭酒易以教習貢生舊例教習貢生應考縣職惟榜末二名落州同因是人恐落後營求前列朔請祭酒具題槩用知縣奔競風息以父老假歸鍵戶著書催補不赴儀封張伯行撫閩開書院於鰲峰招學上訂儒書延朔爲山長至家郡守劉侃復延爲義塾師凡三爲儒官三課書院皆以孝友爲諄諄讀書談道至老不倦

年八十有三卒

雍正志稿
參家傳

○蔡繼祖字詒皇號念齋晉江人父琦有學行繼祖天性孝友母卒時始十二歲日夜號哭不絕口兄方升哀痛

得疾夜渴不寐侍疾床褥湯藥親奉目不交睫康熙壬午與從弟宸升同舉於鄉授山東鄆城令革里甲換馬鄉書攢造諸弊築渠利民讞獄多平反在任三年清慎仁恕民咸懷之年七十以老告休貧不能歸士民鳩助資斧去之日闔邑送者遮道人以爲榮既抵家課兒孫誦讀家無十日糧不計也年八十三卒子煥章

蔡氏節畧 雷

翠亭撰誌

○蔡宸升字詒迎號忠菴晉江人太僕鵬霄孫入南安庠康熙壬午舉人授海澄教諭廉潔自持一介不取常規

泉州府志

卷之五十一 國朝循績

十五

陋例概行革除廩銀廩米貧生租穀盡數給發不染絲毫約束諸生以身率之宥其小過懲其無良課士親自甲乙甄拔皆知名郡太守科歲試延以閱卷者三衡鑒悉當所取前列多入泮春秋二祭先時齋戒臨期恪恭乃事母敢隕越課士之暇手不釋卷有土棍侵佔學地多方請託復以暮金相嘗峻却之通詳嚴究得還故地捐俸助脩 文廟葺名宦祠好義者咸踴躍爭輸堂宇煥然己酉赴省送考卒於三山旅舍澄邑紳士作清慎嚴介惠勤明敬詩八章以頌之

○陳會津字汝雲號麗峯惠安人康熙乙酉舉人授上林令邑多獯獷頑梗抗糧會津政教並施撫其善良者懲其弗率者咸輸將恐後舊有糖稅牛稅禾把稅諸名色官藉潤私橐而書吏里役益窟穴爲奸申革之勒石永禁捐俸建四鄉書院育人材苗民漸知詩書題署賓州牧適尙苗韋扶燕等盤踞思吉鎮犯境會津聞警直入巢穴誓殲巨魁尙苗正擬投誠而會津以觸瘴癘卒年五十九

○李瓊字世禹安溪人光坡長子幼稟庭訓父授以本義

泉州府志

卷之五十一

國朝循績

十六

卷首所畫卦象圖數叩之了然於胸父甚異之遂命遍讀十三經舉口成誦弱冠遊庠康熙乙酉舉人授范縣令革除陋規數千金以甦民困政尙寬平大愜民隱嘗鞠讞鄰邑盡得其情香燈遮道逾境乃返卒年五十一生平峻厲嚴肅寡於酬酢一介不苟雖當父兄貴盛閉戶潛脩自甘淡薄以至莅官數載家徒四壁人咸稱其能恪守家訓云

安溪志

○紀宗汪字仲頃號望三晉江人康熙乙酉舉人授歸化教諭教士以飭紀勵節爲先月課文二次日與對壘手

自評隲拔其尤者上於撫軍刻明溪課藝陪課以示鼓勵邑自庚午科後賢書久報罷自宗汪振興獲雋者九捷南宮者三一時稱盛諸生窶者喪葬不能舉者罄資助之間有不守臥碑者申禱不稍貸能改過卽與開復監盤社倉稔知練保藉名看守派歛各村及被竊則着戶賠補貧民至傾家鬻子詳請各村自貯不由官查數十年酷累得除民慶更生捐置義學神龕闡揚幽閨節烈割俸以助墾費上官褒獎紀功丁未巡撫督學會考通省教職列名第三以俸深陞國子典籍校刻經書六

泉州府志

卷之五十一

國朝循績

十七

種殫力稽核丙辰 恩科在京遊宦貢監無本籍文結不許進闈力陳祭酒楊名時寬禁奏准取同鄉官結多士感戴乾隆三年

聖駕臨雍講中庸尙書二篇

賜花緞克食臨雍講義次日仍

賜宴遷禮部司務直省公文自送各司不假手胥吏其有關忠孝廉節文教者親自回堂力爲周旋壬戌會試舉子投卷自填者書吏指爲違式宗汪持呈堂勒之收計偕者口碑載道協理主客司事肆應有餘是冬假歸省

瑩越明年卒於家年七十九

○黃爲漢字于章號旂山晉江人康熙乙酉舉人授賀縣令至則詳革陋規勒石永禁邑有大橋關稅異時留難百端爲漢隨到放行商民稱便龍水山場產礦砂久奉封禁鄰邑奸民聶惟寬等率夥列械越界挖取一年兩次爲漢涖任兩月盜復來卽會營弁率鄉勇到營山下困之禁民母以鹽米接濟賊宵遁掩襲之生擒八人殲二十九人聶惟寬逃回連山八排追獲之部議以地方官養殃分別議處爲漢亦在降調中適撫軍李紱調直

泉州府志

卷之五十一

國朝循績

十八

隸奏請帶往補用題寶坻令甫二旬部選有人復補河閒令清積逋釐宿弊脩堤栽柳以禦河決營房烟墩炮臺次第繕葺不動公帑不費民力詞訟隨收隨理曲直立剖民稱公明署靜海令運河衝決督工脩築值積雨土崩連人俱陷爲漢水底觸貫葦餘繩得緣而上若神相者鳩工合力堤堅如故署衡水令值水災頒金散賑不漏不濫署本府河捕同知熟識河務漕艘往來無虞萑苻斂迹未幾以寶坻任內因公掛誤乾隆元年赴都察院具呈開復靜候揀選格於例歸鑿池建軒邀同志

飲酒賦詩爲古文宗尙歐柳每遇鄉會科歲試按題構
藝蒼健細密人爭雒誦性孝友父母蚤逝事祖父母竭
志盡誠家計悉委於弟怡怡有姜被風年七十一卒

○何秉忠字禮尙號梅淑晉江人康熙庚午舉人丙戌進
士授昭化令昭故瘠邑爲秦蜀門戶水陸要衝差徭絡
繹供億浩繁耕桑失業至則首革里下幫費之半越年
值西征檄各州縣三月卽解額銀七分民苦莫應議以
未繅繭質錢加息數倍名曰砍絲秉忠遽止之以應領
站銀先解仍許民交貯雞豚芻茭雜物抵正供備差用

泉州府志

卷之五十一

國朝循績

十九

及絲熟踴躍爭輸軍需無悞循行阡陌勸民墾闢擇子
弟開敏者徃學宮肄業訟牒隨時決斷兩造悅服無何
松潘打箭爐兩處備兵調兵撥餉羽檄交馳秉忠額設
傳馬二十四匹夫五十人舟二艘不足者聽民幫役先
近次遠役前息後著爲令仍借諭鞘夫歷舉騷擾諸弊
榜於牛頭關曰昭化孔道荒城也值此用兵舟梭馬箭
民力竭矣倘勒索無厭魚肉我民者令以死殉之往來
者謂昭民實貧令又強項不可犯也奉檄備莞豆五百
石赴軍前力請總制得於成都採買運價減半邑向苦

虎患顛神請命害遂絕西關桔栢渡水流湍急歲數溺人秉忠投牒於水終任無溺者雨澤稍愆祈禱立應在任五年傳馬僅斃五匹行取入都士民祖道供帳交於隣境輿不得前至京

賜貂皮二領以五部主事補用未得缺卒于京年六十六所著有管蒯集遺子振曾鼎鉉俱舉人

○楊宗澤字陶甫號西巖南安人康熙己卯舉人丙戌進士授中書以父老歸省丁父艱喪葬盡哀盡禮服除補延安府同知分防西延勸墾弭盜倡學勵士治績懋著

泉州府志

卷之五十一

國朝循績

二十

甲午分校所取得人署府事革陋規飭風俗時大師西出靖邊捐俸招集農戶屯田庀田具給牛糧軍無庚癸之呼又捐建北樓葺考棚重脩韓范二公祠置祀租歲時率士民瞻禮焉辛丑郡飢兵民乏食詳請開倉賑貸親泣拊循民賴以安延之神木介西域雜居互市常旅寓城中新副帥患其狡而難制也宗澤設籤置各城門使持以入顯示以往來不禁實陰束之使易識別韓城素患河決爲築塔岸側以鎮水勢河流忽東徙得溢地十餘里墾田數百頃民受其利商州距華州數百里就

試維艱設考棚建廨舍申請學使按臨後遂爲例士免
跋涉又建文昌閣以雄鎮郡中人文十倍於昔獲雋者
接踵立石誌德以年老告休未歸而卒年六十六

節大司寇

彭公
撰誌

○林逢春號肯齋晉江人旌孝鼎漢長子由例貢生捐部
主事康熙四十五年授戶部貴州司主事陞本部雲南
司員外謹出納汰陋規擢刑部河南司郎中分派現審
事件隨到隨結有旂員強拏剃頭子雞姦不從拷打斃
命埋於曠地又青駝寺小和尚以藥迷車夫死於道路

泉州府志

卷之五十一

國朝循績

二十一

莫知踪跡俱密訪確據研訊得實置之重典朝審秋審
各案虛公推勘務求其生輪值提牢晨入酉歸飭獄卒
洒掃潔淨隆冬盛暑捐施冰煤秩滿陞寧波守因保□
有人改吉安府知府至則屏苞苴除陋例奸胥猾□□
風斂跡值淫雨匝月河水驟漲民居傾圮晝□□□
役僱船渡活男婦盡登城樓煮粥賑濟時米□□□□
從購買立命開倉平糶幕友書吏以非奉上□□□□
例力爲阻止逢春曰吾豈惜一官而□視民□□□□
發印單按名口給穀一斗窮黎均沾實惠□□□□

監生鄒肅豫買妾家不能容己令改嫁復於夜間□□
執杖假官差搶回其夫隱忍未控聞知立拏治罪□□
其夫衛千總楊應龍積逋屯糧株累貧民數十家□□
典子賠償查驗倉收盡爲摘釋應龍持刀撒賴帶□□
逃押發收禁通詳治罪民困獲甦訟棍譚虎上以五□
叫冤控蔣家村嫁女失盜誣民爲賊私設夾棍火炙其
背繩網其身用酒甕大石墜江無屍可証遍加採訪密
令泰和縣丞帶仝幹役拿獲訟棍起出行李狀稿謝金
鑿鑿有據庭鞫語塞真情畢露乃知屍係溺死被水冲

去爲寺僧收埋起驗無傷通詳結案闖棍羅子酉倡結
鐵鞭會名廿四氣強拏良家子弟雞姦訪知嚴拿聞風
遠遁民得安枕寡婦曾何氏伊夫與彭盈儒結婚合賈
雲南夫死盈儒攘其本利爲己有何氏抱幼子泣控逢
春鞫實照數追給上西鄉安福等處抗糧成性縣官屢
受叅處爲設法牌示三令五申親往查比自是輸將如
額當事廉其能凡各府疑案多檄委審訊剖冤雪滯案
無留牘遇旱禱雨立應歲獲有秋南關外失火立時督
率撲滅計日授餐助貲蓋屋尤重文教歲科兩試矢公

矢慎前列皆入泮脩白鷺洲書院分設義學按月兩課
文風丕振所甄拔陳學海黃文昭張振義皆捷南宮入
中秘 文廟傾圮捐俸倡脩堂廡煥然乙未父歿於姑
蘇聞訃號搶交代七天星馳奔喪紳士兵民泣送赴省
保留撫軍佟公欲據情疏題哀辭再三去後士民爲立
去思亭於署前建生祠於南門懸寒潭秋月之扁於郡
堂至蘇扶父櫬歸里葺祖墳增祀田營歷世窀穸以次
安葬旋丁內艱合窆旣畢尙未闕服值蒲坦犯邊調赴
軍前解運駝至巴里坤大營霜居野宿皆生平所未

泉州府志

卷之五十一

國朝循績

二十三

經長途倒斃駝隻傾囊賠償無數復兼全蒙古牧放駱
駝於沙山紅山等處三秋雨雪紛紛濛迷失道官員僕
夫凍死者不可勝計獨逢春主僕十六人無恙又自巴
里坤解駝入口至甘州交納崎嶇冒險辛苦萬狀遂得
風疾調赴西寧聽用適吉安民人營販於寧爭供薪米
賴得無乏嗣大兵奏凱給咨赴部軍功議叙應陞副使
乙巳陞衡永郴道未赴改工部都水司郎中職掌河務
一切脩築堤岸工程奏銷謹慎稽核丙午

命往察盤直隸州縣倉穀回奏

溫旨褒嘉賜克食又奉委查看聖德神功碑出遵化州馬
蘭峪而回復隨

駕謁

陵陪祭是歲京察一等十一月遽以原品休致解組歸課
子孫於霞塢者數載被奸人方國相首控余甸所題贈
有官祇作山人老平地能開洞壑幽唐句爲怨望革職
擬徒乾隆元年遇赦放回蕭條難堪惟提軍馬侯易齋
敬禮不衰時加憐卹年八十八卒所著有西征宦遊進
思退思等集統名頤園詩草弟逢都鳳陽知府子廷揚
泉州府志

卷之五十一

國朝循績

二十四

捐員外次子廷揆揀發貴州試用署廣順州知州

○顏儀鳳字亦凡號東籬晉江人康熙乙酉舉人癸巳進
士授安平令遇荒便宜賑饑代輸逋賦恤孤獨慎刑獄
邑人德之屢署州縣篆皆有聲擢正安州牧安平民請
留不得勒碑紀績計四十六道其治正安興利除弊一
如安平甫三月奉委繪圖丹江未幾征剿烏蒙檄儀鳳
督理五省兵餉兼築威寧城咸著成績軍功議叙以勞
勩邁疾告歸書簾布被蕭然自得家居詩酒自娛不入
城市尤工書畫然不多作或得其片紙珍若拱璧儀鳳

少孤六歲遭海氛派餉卽能挺身折辨酋奇之事母先
意承志母病呼天求代髮盡白膝至痺沒盡哀盡禮建
有懷小築離室而居衣服淒其形神憔悴撫姪如子完
其婚娶課以謀生族黨重之所著有黔草集帶山堂詩

稿

採陳德
泉撰誌

○潘晉晟字式李號唐叟南安人康熙戊子舉人癸巳進
士教習一等授印江令營兵素悍有兵民交訟據理直
民悍兵擁鬧公堂立擒收禁通詳審擬自是兵戢民安
邑有劉生之妻怒其婦思殺之脫禍誘人入其室飲至

泉州府志

卷之五十一

國朝循績

二十五

醉命其子殺之誣婦姦狀斷兩頭聞官婦外家與被誘
殺親屬上控委晉晟檢訊二屍一係生前殺一係死後
殺訊得實情上官嘉之署安順府南籠同知與粵西泗
城西隆州壤錯積匪焚劫竄匿甚衆晉晟履任移文解
回男婦二百餘口陳上官以江之南歸粵北歸黔置墩
臺渡船添設南籠知府截州縣隸焉建歸化城設通判
彈壓卽以晉晟陞授自是苗民安堵引

見特授曲靖守撫軍朱公切於催糧議立短限晉晟力爭
謂夏秋方熟穀皆露積且地多陰少日催急必以人焙

異日有朽敗之虞不如寬限爲便朱公感悟從之丁內艱服闋入京以曲靖任內罣誤降秩奉

命徃山東辦賑叙功

特授平涼守前守田姓虧帑三萬餘死於獄次子監禁十八年父母兄嫂及妻俱死惟存一女年二十八歲捐俸二百倡勸各屬義助送其五櫬及女回江南原籍嗣以隆德令虧缺監穀被劾歸優游林下足跡不履郡邑卒年七十七

○李鍾倬字世瞻安溪人光坡仲子九歲能詩文見渾天

泉州府志

卷之五十一

國朝循績

二十六

儀卽曉星辰度次指証周天印合不錯康熙癸巳舉人授遂安令訊鞫不尙威赫刑獄尤加矜慎有村愚鄭四生爲人傭役贅其婢妻以不受勞苦服毒死四生惑漁利之說誣控其主鍾倬按驗無傷薄懲遣之上官察知欲以奴誣主置之重律鍾倬哀其愚力求解得免死邑舊有馬義堰資溉田數千畝適洪水崩圯鍾倬相度形勢稍遷避下流親董率興築遂得永固邑民賴之戊午分校浙闈人稱得士卒年六十有二著詩文集若干卷○陳士芝字靈根號商山晉江人允錫孫善于康熙癸巳

舉人授長樂教諭首革丁憂起復陋規按期課士教以敦倫立品有難扶之諸生林觀光觸縣怒請會同戒飭查其無罪辭不赴許正秋以至親犯罪脫逃波累詳褫面陳督學解免謝承烈被堂兄誣陷報劣力爲開駁長俗慕節烈美名遇男子身故則內外家搭臺生祭逼其妻殉夫有江國相妻妊孕在身國相死父兄至夫家逼以登臺觀者盈街塞道士芝親至其地勸以殉烈易立孤難當爲其難牒縣折臺撤祭取守護甘結母子獲生後竟生男陳愛脩年逾七旬歲試文理荒疎字格舛錯

督學駭問擬置劣等爲白其年老痰暈得免捐資脩名宦鄉賢各祠表揚寒門節烈毫不染指郡守委幫平糶約五日一領士芝念貧民遠者往返一二日跋涉維艱變通行之歷任邑令咨詢吏治及諸典故隨叩輒應服爲異才以年老告歸窮經讀史手不停披太守高霑延掌溫陵教席三載屢恆滿乙亥舉應正賓年七十八卒士芝生平敦孝友厚親故飭廉隅守官箴學有根據郡中士大夫推爲禮教之宗凡遇吉凶大事有疑必請質焉致仕後長邑紳士猶時通音問內王肅琳書云師臺

行誼卓卓官則生徒仰之家則梓里宗之百餘年司鐸
敝邑者允推第一蓋實錄云

國朝循績四

蔡賓興

侯之緹

許元烜

黃煥彰

施廷瑞

王天慶

陳鵬南

黃允肅

陳興國

呂日登

陳亮世

李清載

泉州府志

卷之五十一

國朝循績

二十八

柯可棟

張文秸

黃道泰

蔡廷魁

黃瑤觀

張有泌

○蔡賓興字尙三號邃園晉江人任邱令方升子康熙乙酉舉人乙未進士授長寧令至則勤撫字除陋規擒渠賊鍾選一窮其根株地方以寧有武生陳上任僱工鍾巨也與上任孀弟婦私通偵知逐之巨也僞爲兵册劄付置其家首以反叛邑佐武弁搜獲兵册株繫數百人賓興公出馳回訊得姦釁及其弟年也代書册劄狀置

之法無辜盡釋邑自明萬歷建置以來從未發科創建
義學延師切劘親爲考業論文隨有邱生上峯獲雋旋
登甲榜自是踵接入彀癸卯文武闈分校所取皆得人
兼署龍南定南兩縣治一如寧在任八載民畏而愛之
推陞工部虞衡司主事連丁外內艱送者塞途服闋補
禮部主事

世宗憲皇帝以禮曹事簡改刑部初授四川司主事遷廣東
司員外郎覆核直省奏讞應准應駁俱中窺多所平反
積九年議叙紀錄三十七次仍加二級陞吏郎驗封司

泉州府志

卷之五十一

國朝循績

二十九

郎中時值

封典開捐曹務殷繁清釐辦理人不敢以私干乙丑會試
分校禮闈所得士稱爲一時之俊掌銓七載公慎自持
門館無私堂官同僚交稱之念父母窀穸未安陳情乞
休卜吉營葬日惟親書史不預戶外事當事重其品望
延主梅石書院教事與諸生敦行論文手畫口講自爲
程式學者宗之賓興孝友敦睦居常恂恂不矜及任事
見義必爲不肯依阿以狗勢要歷官中外冰蘖自持鬻
田以濟官用口不言貧與人交誠心無僞始終如一不

以貴賤異視歸四載年七十四卒

節蔡氏家傳

○侯之緹本姓陳字采人號蓼園晉江人餼府庠康熙甲午五經舉人戊戌進士授湖廣歸州牧剔奸除蠹禮賢下士民戴之如父母州爲蜀中孔道山巍水險雍正丙午丁未年間兩湖江浙東西粵皆有水災各省民人負攜老稚入川就食者絡繹異時盤查過厲舟冒險而進多投江波之緹躬查流民頻發帑金飢給食病給醫嚴禁鬻販外省之稚子婦人咸以歸爲樂土所轄地千有餘里山多田少自川禁嚴而人益因爲弛其禁於是入

泉州府志

卷之五十一 國朝循績

三十

川者裝載鹽米回州賴以接濟復將前任所積鹽斤聽人購販以其所餘建學宮及各壇廟不敷者捐俸益之諸皆煥然改觀丙午分校楚闡得士稱盛以年老改興化府教授勸學興文每月課必手製以爲程式整學宮葺門墻清公田飭俎豆脩樂器士論歸焉之緹少受學於陳遷鶴博極羣書爲文疎宕有奇氣自爲諸生時設教郡中戶外屨滿游其門者多登科甲若江日昇陳鎮峯王商霖曾浴洙陳時舉其著也遠方士足不及門以會文質正者每日案頭皆盈尺評論甲乙多所造就及

爲學博譽望益隆年八十卒於官興人士悲哀涕泣謂失賢師焉

○許元烜字彥陟號蓼溪晉江人康熙甲午舉人授宜良令脩學宮葺義塾發社穀建茶菴購地爲義塚買塘以放生移龍廟而灌注有資設石凳而行人獲憩脩路脩橋施藥施棺擴清監獄別蓋女監爲貧子活妻代庸夫贖子聽訟而舊牘盡清會審則片言立決暇與諸生論文多所造就辛酉分校文武闈甄拔得人以計典不及歸元烜於六經外兼習堪輿星相諸書臨池能摹聖教

泉州府志

卷之五十一

國朝循績

三十一

大觀堂諸本嘗著清源三十六巖攷刊之年六十卒

李節

顯亭
撰誌

○黃煥彰字愧淵號晦詒晉江人康熙丁酉解元戊戌進士選庶吉士雍正癸卯充順天鄉試所取皆佳士散館授檢討充 玉牒館纂脩

賜銀幣奉查易州房山完縣涑水倉庾拒却暮金遷禮部祠祭郎中管理營田水利奉查

至聖先師聖誕覃稽精覈知家語所載十一月庚子卽今八月念七日定議

題允著爲令典出知澂江府郡有官庄百餘畝歷係佃丁車姓賠糧煥彰以官庄官輸詳除積弊勒石甦困所屬河陽縣海口牛舌埧傾圮捐俸脩築以資數邑灌溉時行開墾之令州縣競以多墾博美遷飭屬縣據實舉報勿貽民累後滇省丈量四出而澂獨免郡有東山土司衆議改土歸流煥彰謂東山爲魯魁鎖鑰土州判王氏世守其地諸夷懾服不煩戍兵防將疆土敘寧驟裁去恐夷性難馴控制不及不踰年魯魁騷動震及普元二府獨東山一隘伏莽無侵越二年內召補刑部山東司

泉州府志

卷之五十一

國朝循績

三十二

員外遷湖廣司郎中有兄弟三人謀殺一命議者援重律三人並抵煥彰以一死一抵乃律正條爭月餘得從輕典大司寇廉其仁明每秋審必令總理夜治遇冤獄擱筆欷歔一綫可矜卽色喜值年提牢盛暑隆冬捐冰煤以恤罪囚現審事件犯無久羈刑無慘酷丁外艱起

補刑部貴州司郎中

御試考官二等以疾卒於京邸年五十八煥彰居家孝友貌肅容寂恂恂似不能言及服官則見義勇爲敷陳剖決片言居要有不可必據理力爭不阿諛以取容故所

至有聲而困躓亦由此平節趙北撰誌

○施廷瑞字輯五號漏山晉江人總漕世綸第七子由監生考職州同授泰州州判至則皇然曰此先人始仕之區也稍不謹貽羞匪淺矣於是禁苞苴絕干請黠棍奸胥重懲不貸民有父子濟美之稱調海州州同有鹽池數十所緝狡獪禁耗蠹豪強斂迹擢鎮江糧捕水利通判稽察漕艘防禦堤工殫心職守值京口堤岸坍塌陷民居萬計廷瑞相度形勢詳請築石保護購碎石數十萬鳩工營築自是安堵無患民咸德之陞淮安理河同

泉州府志

卷之五十一 國朝循績

三十三

知職司淮黃兼管軍民寬猛相濟理枉伸冤強暴多化為善良每三汛駐工親臨督理餐風宿露不辭艱瘁工料無纖毫浮冒以卓異薦回任候陞署淮揚道斥私餽除陋規覈工程杜侵蝕黜逢迎獎急公署河庫道慎筭鑰嚴收支一無所染推陞平越府知府正己率屬除蠹剔奸決十數年未清之塵案獲兩三任久亡之巨盜逡巡撫綏苗民感戴卒于官年五十五廷瑞天性孝友隨父之官晨昏無閒父歿盡哀盡禮祿入皆寄分諸弟昆宦橐蕭然能文章並通聲律尤工書法父凡有章奏皆

廷瑞手繕名達

宸聰所著有花萼集

○王天慶字憲卿號鶴峯晉江人父良以戰功加銜左都督授和浦叅將天慶由廩貢捐通判雍正初年發山東試用委脩濟南城事竣管臨清關革鈔戶之包攬戒啓關之遲延改建清**泐**書院延師課士遷沂州牧獲賭具例擬流徙官增秩天慶律以荷校而火其具會沂州改郡而嶧縣正苦曠災借補嶧令下車賑饑單騎親歷村庄條分俵給台兒庄故積匪藪偵知八人窩處又於流

泉州府志

卷之五十一

國朝循績

三十四

民中獲椎埋者連夜穿八墳訊實如律究治境內胥安既而蝗蝻四起以米購蝗數日蝗滅而禾無損嶧民楊某妻妯娌交詬自縊死兩氏家誣以曖昧事訊無他故白府釋之調長清力除積捕窩匪及老瓜賊復調商河邑多積逋前任四令皆罷職羈留察所逋狀力爲振刷得完帑復解囊贈之歸初商民之黠者爲十虎會橫鄉曲持令長短前四令皆爲所誣天慶偵得其首率役掩捕按以法決遣之楊家庄偷兒楊邦榮等十六人案積纍纍捕者爲之藪狡稱脫逃莫從追緝天慶驅其眷入

禁約以偷兒不獲罪至死皆就擒嚴懲之乃釋捕者家嗣仍以帶徵不及額干吏議引

見徃直隸仍以知縣用委脩良鄉城旋補束鹿令邑當滹沱之衝河水漲沒村左禾稼開倉發賑遠者移粟給之水及城集鄉民壅土疊岼躬親畚鍤越日水定隨詳請築堤以護城環以楊柳蒔荻葦其中後滹水棄故道冲城郭離堤僅三寸旬日乃退人愈追其功捐脩文廟城隍河神劉將軍廟以次告成邑當孔道使節頻臨向設賓館二費皆民出天慶築舍文昌宮西額曰南池書泉州府志

卷之五十一

國朝循績

三十五

院延師課士資以膏火遇星軺至卽爲館舍一舉兩得縣民蕭某被殺誣控郭四天慶訊出正犯其衣猶斑斑血污郭得釋雄縣劉長姐縊死以何祥子偷桃淫污坐罪獄已成制府孫嘉淦委天慶勘訊祥子年十五長姐甫十三天慶曰桃園孔道非淫地中午人行非淫時十三幼女安知羞憤自盡鞫之得其誣罔狀立爲平反丁外艱起補容城隨

駕景州和詩

賜宴及荷包元寶叙隨營功又

賜貂幣克食署新樂令改慶雲振廢恤災治一如前以勞成疾乞休年七十七卒所著有帶山堂文集八卷春江集詩十二卷花隱軒制義百篇蝴蝶詩百首紀

恩扈從詩登岱詩雞冠花詩各一卷子蒲璧州判

○陳鵬南字雲垂號淑齋同安人康熙己亥年臺灣歲貢四世同居無閒言任連江訓導除陋規勤考課日與諸生講論必期以實踐邑河久淤捐銀六百兩疏濬之乾隆二年風災 文廟傾圮殆盡鵬南運家貲二千四百兩獨力脩建廟貌一新自是文風日盛科甲倍於昔時

泉州府志

卷之五十一

國朝循績

三十六

歲飢邑令戚菑言煮粥賑濟鵬南捐米助之又勸紳士輸穀運米於明倫堂平糶接濟又偕令竭力搜羅輯成連江縣志制撫上其事晉秩褒嘉請告歸連人伐石記功建祠生祀歿後爲呈請祀名宦

臺灣志合參

○黃允肅字元靜號思亭南安人雍正癸卯鄉會聯捷進士授廣昌令革陋規却餽遺接徵十三年積欠設法區處不事敲撲數月全清邑屯田九千餘畝旗丁夥聚魚肉佃民爲害爲勘明坵段四至酌定租額造冊報部給俵帖佃帖爲據佃不得匿田吞租丁不得額外多索擾

累永除舊地丁正賦外有兵折兵米兵糧耗費飯食茅竹折色物料賠亡籽粒各項差役藉端需索莫可究詰詳請分徵並解併正雜爲一條立易知單分發花戶總納通邑三萬餘戶歲省擾費千餘緡禁止婦女入寺燒香以端風化築平西壩以遏城西水患捐脩文廟清理學租暇則詣明倫堂課士論文聽訟無留牘灼無情之詞伸難明之冤吏胥無從舞弊文嘗錄刊其定讞二十五案明天理報應以覺愚蒙至於慎重夾刑軫恤囚犯尤加意哀矜同城都司練兵過嚴營兵蜂擁出城欲爲

亂允肅查記叛兵姓名馳諭禍福皆感悟謝罪送營安插帖然無事在任九年行取以主事註冊需次適有廖玉書因爭山持刃殺人買族人代承鞫實申詳臬司勒令改換供招執不從作告城隍文自誓內有丹心一片常存歷久彌赤癖性倔强猶昔不能改移之句臬司聞之大怒適有宋席氏毒死親夫一案故爲翻駁轉發五縣會檢三府會訊隨有曲爲逢迎欲成周內之案者制軍那灼其私批發藩司鹽驛道覆訊而臬司竟捏造檄駁更換死期私改供語具揭請叅值新撫軍初任遂據

揭題叅允肅自省回署紳士兵民郊迎數十里列旗張蓋執戟佩刀鼓吹聲炮蜂擁不絕倉庫有虧缺者設櫃代墊三日補足仍爭餽薪米懸不可誼之匾勒樂只廉明公正二碑於縣堂爲文記之及回籍垂涕扳轅擁擠二百餘里依依不舍抵家敝衣蔬食晏如也朝中大臣摺薦囑赴京適廣營馳札云士民繫思當取道廣昌以慰衆懷貧難治裝族戚劇助促行及至廣昌歡迎道左慰問者盈衢塞巷供帳倍加於前閒密登舟廣人聞知奔赴餽送爭先挽攬餞別龍珠亭聞摺薦行查爲報奏

者暗擠中阻抵豫章中丞陳榕門欲延主鹿洞教事適南安太守游紹安聘爲道源書院院長立教一準朱子鹿洞規條又以六經精義與諸生往復辨難剖析幾微以疾卒年六十八士人設主于書院之鶴鳴堂以祀焉允肅素明義利宅心仁厚未第時祖山有沈校尉三墳其子孫逃亡海豐豪家謀發塚佔葬允肅赴縣給示禁止復捐金脩葺并葺墳前瓦棺六勒銘于石釋褐後歸養有富家持金百二求題主訝其太重再四詰之則知爲叔祖封塋子孫以宿逋不得已鬻富家者亟却其金

出貲爲豎偃碑封舊墳在廣昌時前令張曉以墨禡爲
白其誣太守不從必欲文致其罪允肅謂張令死何足
惜伊母乃開府大臣命婦日夜痛哭可憫遂得釋助資
回籍又前令黎民佐霉爛倉穀六千餘同一幼孫羈棲
十八載年已九十四爲詳請豁免助之歸邑有通江故
令何象泰虧缺庫項一百八十餘金其子弟貧甚受刑
比首爲倡捐勸其親族助輸嘗獲寧都縣越獄重犯寧
化縣造賭具幕中喜有加級之例擬通報允肅曰我加
二級同寅去一官矣亟馳報協拏得免議以剛直取忌

泉州府志

卷之五十一

國朝循績

三十九

時咸惜之所著有東山文萃同社試草澄源拙草萍遊

偶記并文集

探雷翠亭撰
誌叅家傳

○陳興國字昌可先世自安溪徙晉江父覺世雍正甲辰
舉人興國以太學生雍正丙午舉於鄉授東安令邑有
西山綿亘數百里巨盜屢竊發至則親詣巡查諭鄉民
自相稽察地方以靖脩葺城垣重新 文廟建隴東義
學捐膏火以培多士勤于聽斷民不能欺遇重案尤虛
心研鞫囚犯入獄例於成案後給糧興國捐己資一到
卽給乾隆十七八年閒米價騰湧牒請開倉平糶仍勸

諭有業之家出粟以濟民食值癘疫供給藥餌全活無數以卓異徵離任時將民間積欠屯米二百餘石正耗百餘兩捐俸代墊出示免徵民權呼尸祝擢都察院都事爲新設漢缺奏章文牘必親勘對點竄不倚書吏各鹽政解到飯食銀兩向有贏餘興國以均諸同事毫不私取衆服其公廉保舉直隸州牧引

見記名以勤勞得疾卒於京年五十六興國居家孝友持躬樸誠與人交始終如一故自居鄉以至仕宦同輩者無不傾慕方期大用不永其年時論惜之

泉州府志

卷之五十一

國朝循績

四十

○呂日登字岸于號兼霞晉江人餼漳浦庠康熙丁酉舉人雍正甲辰進士授滎陽令至則頒列教條殷殷化民邑輸糧耗羨視他邑獨浮詳請革除民沾其惠試童子前列者多入庠待諸生禮意有加甫八月丁外艱服闋赴補以任內失察盜案降級嗣揀發江蘇陳採辦銅觔事宜爲上官所器隨有清丈之役南淮豪强多匿蕩地日登履畝查勘計萬有奇豪密囑館人致賂却之據實報聞籍其產充馬厰委署無錫金匱二縣戊午分校文武闈得士五人皆英俊復陳設鼓鑄良法制軍那蘇圖

大加賞識特疏題署婁縣令爲部議所格奉委捕蝗至海州視山川形勢請開水利力懇數四雖核議不果行咸可其言咨補松江府知事以卓異薦回任侯陞有青浦民與富惡爭田歷五縣沉寃上控又有睢寧奸吏冒捏戶產俱委日登勘訊暮夜投金擯弗受廉其實詳報寃雪而蠹警道有口碑未幾有西河之痛繼以妻喪遂乞休歸郡邑長屢延主梅石溫陵書院舉充鄉飲大賓日登篤於至性而豪爽疎財兄弟繼歿待諸姪如子遇有告貸者雖囊空必竭力應之集知交酌酒言歡座客

泉州府志

卷之五十一

國朝循績

四十一

常滿年七十三卒

○陳亮世字南志號林邨安溪人居晉江庶子遷鶴孫年十六爲郡增生康熙庚子舉人雍正丁未登明通榜授閩縣學教諭庚戌捷南宮選庶常遭母憂乾隆丁巳補散館二等改工部都水司主事亮世夙嫻算學凡有鉅程大役料估銷算不差銖黍卽極老鍊供事遇有疑難必請指授而行大司空魏嘗曰昔吾與掌詹公同受算學於梅勿菴先生陳君師承有自其於理數精蘊確有深造彼銷算特餘事耳辛酉京察一等加三級壬戌陞

本部虞衡司員外郎乙丑陞吏部稽勲司郎中天曹爲清要之地而司勲實與文選相表裏凡應選應補員缺詳加察核矢公矢慎年六十一卒於官

○李清載字有侯號積齋安溪人鍾僑子少好學康熙甲午舉人雍正庚戌進士授主事歷員外郎中嘗充會闈受卷官舉子字畫小錯積百餘卷同事議貼出清載遽執墨筆逐一改正曰有事請以一身當之同事咸咋舌服其胆識出爲滇南順寧太守順寧地僻陋文風衰廢已六十年清載至興文教不數歲登賢書者連得三人

泉州府志

卷之五十一

國朝循績

四十二

其治廉平所部吏民咸愛戴初居郎署時與僚友和易可親然值公事所不可者必力爭義形於色雖部長官不能奪其學問無所不窺顧獨以明理適用爲宗著有文集若干卷

○柯可棟字平若號直齋晉江人幼受學伯兄偉生博通經史恂恂惟謹孝友天性終身師事伯兄不敢以雁行齒雍正壬子癸丑聯捷進士授繁昌令勤心撫字息爭訟除宿弊崇教化捐俸開聚奎門以興文運自此科甲蟬聯先是邑連苦荒旱可棟臘月下車甫二日瑞雪大

降秋禾將登飛蝗入境可棟設法捕撲虔誠祝天倏忽雷雨大作蝗盡墜水死任事三載卒於官民思其德建坊誌之以瑞雪隨車蝗不爲災二事爲仁心所格焉

○張文秸字禮仲號節崖晉江人丹徒令廷煌子以國學生授職州同雍正十年間捐銀三千二百兩以助墾費充膏火置社田給齋糧營義塚施棺木督撫題請議叙授陳州通判分防周家口嚴保甲飭幹捕宵小潛踪兼緝鄰封大盜加秩紀錄邑舊無署賃屋以居捐俸創建輪奐一新丁內艱起補鳳翔府通判度地墾荒廣植桑

泉州府志

卷之五十一

國朝循績

四十三

種得桑五十萬株分畀諸民編蚕政給絲車置館郡東募浙民善蚕者浴繭繅絲爲民法上官下其事於他郡秦人賴之文廟傾圮自捐五百金鼎新之毫不及民聘名宿爲多士講學人才奮興委監商州龍駒寨稅務恤商利民署邠州篆值河水漲決臨河土山如削捐俸築橋三道計程七里脩理驛路大佛寺築層臺新疊閣以卓異薦

賜蟒袍署西安篆未兩旬卒於官年四十三鳳人伐石勒碑祀之繭館以配蚕祖子光憲乾隆庚辰進士翰林院

編脩節陳異園撰
誌叅家傳

○黃道泰字子寅號去驕晉江人中書志煥次子康熙間
歲貢授龍溪訓導脩

聖廟塑賢像寬免學中地租捐俸給貧士葬資按期考課講
學論文不倦署漳州府教授雍正丙午漳飢奉委賑粥
全活五十萬衆士民顏其額曰德周教養立祠以祀上
官交薦

世宗召見賜克食發廣東以知縣用委脩廣東通志任普寧
陽山二縣事釐革浮耗收買毒草以愛士恤民聞未幾

泉州府志

卷之五十一 國朝循績

四十四

卒於官所著有不自棄亭詩文集節黃氏家傳

○蔡廷魁字經五南安人居鶴山自號鶴邨由監生考職
州同捐知州遞捐員外郎中乾隆元年授刑部湖廣司
郎中精心讞獄多平反以核駁劉堯重辟得紀錄兩上
泰陵加一級 贈父母馳 贈祖父母如其官大司寇合河

孫公嘉淦廉其樸誠勤慎多倚重焉廷魁亦刻自奮勵
凡有疑義必與同官虛心商酌準情度理不執己以自
是亦不委靡以徇人同司同部各口無不敬而愛之在
任未兩年以疾請假旋里廷魁少遊粵東贅於杜將軍

家以忠信孚遐邇外國海舶至者惟憑其片言爲信當事及縉紳賢士皆頰首願交有撫軍陷囹圄竭力濟之後得復職泉中有仕粵去官者輒傾囊助其歸貲知交有急不待請而應之迎父母養于粵及母歿奉父旋里扶母柩歸葬祇恭二兄分畀田廬撫姪如子次兄早夭亦爲擇繼鼎建大小宗祠置累世祀產創家塾備膏火族中婚娶喪葬輒取懷而予及在京假歸益爲敦本睦族計訂祠規釐祀產定學租刊家乘脩蔡西山祠刻忠惠文莊文集凡郡邑大役如脩南安文廟置樂器祭

泉州府志

卷之五十一 國朝循績

四十五

器脩安平橋溫陵朱子祠楊龜山祠建士子考棚捐輸皆以百十計購書經史子集成具每有體會輒手錄口誦爲詩文自寫其志洒然可讀自奉極樸而文人故舊往來無閒樽常不空年六十一卒於家寧化雷鉉走千

餘里臨其喪爲之傳

節雷翠庭撰傳
參二希堂文集

○黃瑤觀字賓于惠安人雍正壬子舉人乾隆丙辰會魁殿試成進士授山東安邱知縣時東省被旱歲飢安邑尤劇瑤觀詳請興發賑飢設廠煮粥日必躬親不假手胥役家人飢民賴以全活爲人質直不能粉飾吏治取

悅上官郡守銜之御史范端植稱爲安靜之吏愜幅無華有西漢循吏風讞獄從寬常施法外之仁幕友或規之瑤觀曰吾不能武健嚴酷博能吏名也莅任三載官民相安會安邑被水倉廩坍塌瑤觀冒雨督率工役殫力脩築以勞成疾卒于官

○張有泌字鄴卿號筍亭晉江人雍正壬子舉人壬戌會試登明通榜授政和教諭以讀書立品訓勵諸生有不率者反覆教誡必令就範而後已調鳳山教諭教如政和兼管臺灣府教授事郡士咸慶得師秩滿多士雲集

泉州府志

卷之五十一

國朝循績

四十六

餞送賦詩贈行勒石紀德陞宜黃知縣下車首興脩鳳岡書院捐置膏火延師課士文風大振接見紳士禮意有加無敢以私干者科歲試親自校閱甲乙悉當勸捐社穀力行保甲儲積充而萑符靖聽訟準情度理曲直立分公退仍披閱案牘再四思維惟恐出入稍失偶有未洽者不憚虛心覆訊期歸平允邑有普濟堂額編口糧無幾不能遍及勸捐田產廣爲收養值歲暮復自捐錢米分給四鄉之斃獨無告者實惠均沾西隅城垣久圯捐貲脩葺斂不及民他如城隍廟福德祠高家渡橋

永豐壩或脩或建百廢具興上宮廉其才凡隣邑疑難
大案多委會鞫繁劇事務亦委協辦皆報可在任九載
士頌民懷方擬調繁浮梁竟以病卒于官年五十九有
泌九歲能文十一歲府試居前十九歲爲臺灣諸生移
歸本籍馳騁經史爲文一歸醇雅遴選入鰲峰書院肄
業爲撫軍趙仁圃國麟所賞識觀風會課輒居優等幼
失恃事父盡孝壬子秋試後值父病侍湯藥廢寢忘食
父歿哀毀逾禮適值揭曉得雋領鹿鳴之宴以供祭待
兄弟友于無閒兄沒撫姪如子族戚知友貧困者隨力

泉州府志

卷之五十一

國朝循績

四十七

推濟毫無所吝與人交披肝露胆休戚相關無不愛而
敬之令宜黃九年飲檗茹冰沒後櫬不能歸宜士民爭
賻之仍伐石紀德焉兄有清字和卿邑諸生亦有學行

節張氏
家傳

泉州府志卷之五十一終